

## Negativne kontre

Negativne kontre postaju popularne zbog mogućnosti rješavanja teških, ali čestih problema u licitaciji, npr :

♠ 762      ♥ KQ75      ♦ 94      ♣ QJ93

Partner otvara 1 karo i desni protivnik intervenira s 1 pik, ta intervencija vam je oduzela standardan govor 1 herc, tako vi nemate mogućnost opisivanja svog lista, snage i distribucije, jer za 1 NT morate imati pik stopera, a za novu boju na nivou 2 bi morali imati 10-11H poena i 5-karatnu boju

Rješenje ovog problema je negativna kontra. Za korištenje ove konvencije, potrebno je imati :

- Minimalno +7H poena
- 4 – karatnu boju u jednoj od nelicitiranih boja – često u majorskoj boji (neki parovi igraju da se uvijek ima 4-karatna majorska boja, ako su dotad javljene samo minorske boje, da se ima oba 4-karatna majora

U gornjem primjeru negativna kontra je pokazala 4-karatni herc, čime se fit u hercu vrlo lako nalazi, ako partner ima 4 herca.

Evo još primjera :

♠ A973      ♥ AJ      ♦ 92      ♣ KJ1062

Ako je partner otvorio 1 karo i došla intervencija 1 herc, dajte negativnu kontru. Čak i pošto imate za snagu za javljanje boje na nivou 2, 2 tref bi otežalo pronalaženje fita u piku 4-4. Ako partner ne javi boju pik, igrat ćete 3NT.

♠ K1063      ♥ 762      ♦ K72      ♣ AJ7

Ako je partner otvorio 1 karo i došla intervencija 2 tref, dajte negativnu kontru čime ćete pokazati barem jedan 4-karatni major. Ako partner licitira 2 herc, vi ćete licitirati 2NT, što će pokazati stopera u trefa, ali bez 4-karatne podrške u hercu, partner će znati da imate 4-karatni pik

### Licitiranje nove boje umjesto negativne kontre :

Igranje negativne kontre također označava prednost u slobodnom licitiranju nove boje. Nakon protivničke intervencije, licitiranje nove boje umjesto negativne kontre obećava 5-karatnu boju. Na nivou 1 garantira 7H poena, a na nivou 2 garantira 10H poena.

♠ QJ1073      ♥ 874      ♦ A92      ♣ 74

Ako je partner otvorio 1 karo, došla intervencija 1 herc, licitirajte 1 pik. Negativna kontra bi pokazala 7H poena i 4-karatni pik, dok 1 pik pokazuje 7H poena i 5-karatni pik, partner će s 3 pika dati podršku

Da je došla intervencija 2 tref, ne bi mogli reći 2 pik, već bi morali dati negativnu kontru, ako bi partner rekao 2 karo, to bi pasirali, a ako reče 2 herc, tada bi ispravili na 2 pik, što nije forsing.

### Kažnjavanje protivničke intervencije :

Kako koristiti kaznenu kontru nakon intervencije protivnika, direktna kontra je nemoguća jer označava negativnu kontru, stoga u tom slučaju morate pasirati i nadati se da će se partner ponovo javiti.

♠ 3      ♥ Q43      ♦ KQ1087      ♣ A754

Ako je partner otvorio 1 pik, došla intervencija 2 karo, vaša jedina alternativa je pass i propustite partnera da licitira. Ako je partner kratak u karou, on može dati informativnu kontru, koju možete pasirati da postane kaznena.

### **Kada nema negativne kontre ?**

U dogovoru sa svojim partnerom možete dogovoriti nivo licitacije do kojeg koristite negativnu kontru. Najuobičajeniji dogovor je da se negativna kontra na protivničku intervenciju koristi do 3 pik, preko toga je kaznena.

Bez obzira kako koristili negativnu kontru, ona vrijedi samo kad su protivnici intervenirali u boji. Kontra na 1NT intervenciju je uvijek kaznena.

Za veći nivo intervencije, potrebno je imati veću snagu za negativnu kontru, dakle npr. za intervenciju sa skokom 2 pik, potrebno je imati extra snagu za negativnu kontru (ne obavezno extra poene), jer to forsira partnera da ide na nivo 3.

### **Novi govori otvarača :**

Nakon partnerove negativne kontre, otvarač mora licitirati tako da opiše svoju snagu i podršku boje partnera koji je dao negativnu kontru :

- uz minimalan otvor, do 15H poena, licitirajte svoju prirodnu boju ili NT na niskom nivou. Ako imate 4-karatnu podršku u partnerovoj boji, uvijek ćete je pokazati
- s pozivnom rukom od 15-17H poena, skočite za jedan nivo, da pokažete extra snagu
- s forsing rukom +18H poena, skočite na nivo igre, ako niste sigurni koja je boja, jednostavno cue-bid-irajte protivničku boju, čime tjerate partnera da bolje opiše svoj list

### **Ponovno otvaranje licitacije :**

Imajte na umu da vam partner nije mogao dati negativnu kontru. Ako ste otvorili licitaciju, a vaš lijevi protivnik intervenirao i partner pasirao, on može imati ruku sa snagom u protivničkoj boji. Ako ste kratki u protivničkoj boji, možete pokušati zaštititi partnera ponovnim licitom.

♠ AJ9      ♥ KQ72      ♦ A10542      ♣ 9

Otvorili ste 1 karo, a protivnik je intervenirao 2 tref, te pass-pass do vas. Možete nastaviti licitaciju s balansirajućom kontrolom, koja je informativna. Partner je može napraviti kaznenom ak pasira, Ako ne može, licitirat će 2 karo, 2 herc ili 2 pik.

Budite oprezni ako ulazite u ponovnu licitaciju sa snagom u protivničkoj boji :

♠ A3      ♥ K5      ♦ AQ1087      ♣ 10754

Otvorili ste 1 karo, a protivnik je intervenirao 2 tref, te pass-pass do vas. S ovom rukom trebate pasirati. Vaša dužina u trefu vam kaže da partner ne čeka vašu kaznenu kontru s tref bojom, on vrlo vjerojatno ima slabu ruku. Kratkoća u majoru možda pokaže da su protivnici imali bolji fit u majoru, tako im ne dajte šansi da ga eventualno pronađu.